

Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

8. Quo pacto iusiurandum, quo quis se alteri obligat, interpretari
debeamus.

urn:nbn:de:hbz:466:1-14077

ura requirit: quo modo etiam legata non dicuntur conditionalia, quia tacite conditions habent, quas per se ipsa deposita. Dicitur itaque iusurandum cum conditione interpositum, quando quis iurando promittit conditione expressum adiecta; ut si iurando promittas mihi te datum centum, si cras pluerit, aut si filius tuus ex Asia saluus redierit. Et huiusmodi iusurandum ante conditionem impletam vim non habet; habet tamen impletam conditione. Hoc autem locum habet, quando totus conditionis euentus impletus fieri enim potest, ut conditio duas, aut plures partes continetur, ut si iures, Dabo tibi centum, si filius meus ex Asia saluus redierit, non mihi te obligasti, si redierit infirmus. Si tamen iusurandum ob duas causas adhibetur, vim habebit etiam si vnius tantum illarum effectus acciderit: Ut si iures te Romanum iterum, ut fratem invisas, & sanctorum Apostolorum limina venereris, & tua peccata redimas, tamen si frater tuus in Urbe deceperit, obligatus es Deo ad eundum Romanum, quoniam te iureirando ei obstrinxisti ob duas causas, quarum altera conficit, & permanet. Animaduertendum est etiam iusurandum cum conditione interponi, siue conditio per particulam, si, siue per particulam, vs, siue per adverbium, quando, siue per aliquid aliud, quod idem significet, exprimatur: Velut si iures te mihi centum daturum, si filius tuus ex morbo conualuerit, vel quando conualuerit, vel ut conualeat.

Decim^o queritur, An iusurandum metu extortum valeat? Hanc questionem diluit. i.e. ii. q. 12.

Vnde此^o queritur, An matrimonium metu quidem contractum, sed iureirando firmatum habet? Hanc quoque questionem tractauimus, q. 13. eiusdem libri, & capituli.

Duodecim^o queritur, An sponsalia per metum extorta, sed iureirando firmata subsistant? Ad eam quoque respondi spondit o lib. ex cap. q. 14.

Decimotertio queritur, At iusurandum per procuratorem, vel nuncium praestari queat? Teste Couarr. in cap. *Quamus pactum de patris in sexto, par. i. §. 4. num. 7. & 8.* Baldus sensit in feudo, cum quis fidem dat, qua promittit se futurum fidelem ei, qua feodium accipit, iusurandum per procuratorem adhiberi non posse. At vero communis Pontificij iuris interpretum sententia receptum est, iusurandum interponi posse per procuratorem ad id speciale mandatum habentem, ut colligitur ex cap. *Nullam De iuram. calunniae in fe. sic Glossa, ac Doctores;* ex cap. *Verum. De statu Regulari. in 6.* Si obijicias, iurisurandi obligatio est persona, quia est vinculum & nexus, qui ex religione manat, ac surgit; ergo nequit per procuratorem, vel nuncium praestari. Respondeo iurisurandi vinculo non obligari procuratorem, vel nuncium, qui non suo, sed nomine domini iurat, sed obligari dominum, qui per procuratorem, vel nuncium iusurandum praestat: & proinde iurisurandi obligatio non nisi dominum iurantem obstringit, ac tenet. Sed quæstio est, an iusurandum possit per procuratorem interponi speciale mandatum habentem etiam in iis causis, in quibus lex proprium iusurandum requirit? Alexander teste Couarrua affirmat etiam tunc posse per procuratorem iusuri-

randū praestari. Sed verius est quod docet Couarr. *loc. citato, quando actus est talis, ut per alium fieri queat, iusurandum potest per procuratorem adhiberi, vt est iusurandum, quo promittitur si delitas erga alterum iusurandum, quod in contractu, vel lice interponitur; quando vero contractus est eius conditionis, ut per alium fieri nequeat, non potest iusurandum per procuratorem interponi, etiam si peculiare ad id mandatum habeat: cuiusmodi est iusurandum, quo quis testificari debet: quod proprium esse eius, qui testificatur, necesse est: & de hoc loquitur cap. *Licet. De testibus, ut in eo cap. Abbas, & Petrus Ancharenus tradiderunt.* Item quando lex, vel Canon requirit expressum, ut quis propria manu iuret, siue iusurandum prestat, tunc nemo iure potest per procuratorem, vel nuncium iurare, ut Couarr. testatur.*

Cap. VIII.

Quo pacto iusurandum, quo quis se alteri obligat, interpretari debeamus.

Primo queritur, An iusurandum interpretandum sit iuxta iurantis mentem, & sensum, si is, cui iusurandum praestatur, aliter accipiat? Respondeo, ex communi omnium sententia, in foro conscientia semper esse accipientium iuxta iurantis mentem; ut colligitur ex cap. *Quacumque. 22. q. 5.* & ex Gratiano in 1. *Qui peierare, eadem causa, & quæ. §. Ex his omnibus, & ex cap. 1. De iure. in 6.* In foro tamen judiciali semper est iudicandum secundum communem sensum, quem reddunt verba ipsa, & secundum vtriusque iuris Regulas, & communem hominum usum, ut constat ex c. *Literis. De sponsalib. & ex L. Liberorum. §. Quod autem Caius. ff. De legatis 3.* Si quæras, quid sit agendum, cum dubitamus, iurauerit necne quis; item cum ambigimus, habuerit necne voluntate fæse iureirando obligandi? Angel. *iuram. 5. n. 10. censet, interpretati. nos oportere, eum nullo iurisurandi vinculo teneri. At Silu. *iuram. 4. q. 7. versic. quærum si sumus in dubio, Archid. Abb. & Rosellæ sequutus affirmat ejusmodi hominem iusurandum obseruare debe. re, ne peccati periculo fæse obijciat, quamvis si non seruet poena periurij puniendus non sit.**

Secundo queritur, An cu quis mihi imperaverit, ut certi puerulii apponam ad aedes alterius, & ego alteri tradam, ut ipse apponat, iurare tutam conscientiam possem me non apposuisse? Quod est querere generaliter, an iusurandum, quo iuramus non fecisse nos aliquid, accipiendum sit in eum sensum, quo is aliquid fecisse censetur, qui non solum vere fecit, sed & qui fieri alteri mandauit; hoc est, qui non per se ipsum, sed per alium fecit? Respondeo, iusurandum non solum esse interpretandum secundum communem sensum, que verba significant, sed etiam secundum communem eum sensum, in quo Canones, Leges, & Iura voces solent accipere: & secundum leges, & Canones aliquis fecisse dicitur, non solum cu per se ipsum vere fecit, sed etiam qui per alium fecit, is enim iuris fictio, necesse censetur. L. 1. §. *De iuris. ff. De vi, & via. mata, vbi dicitur: De iuris in etia videtur, qui maledavit, vel iusfit. Et L. Itē apud Labeonē, §. Fecisse. ff. De in iuris. habetur: Fecisse vim connici, non tantum is vide. tur, qui vociferatus est, sed is quoque, qui concitat alios ad vociferationem, vel qui summifit, ut vociferetur. Hæc ibi*

lex. Ideo per iurij crimen admittit is, qui puerum ad ædes alterius per alios apposuit, & tamen iurauit se non illum apposuisse.

Tertio queritur, Quid dicendum sit, quando Episcopus aliquis facultate concessit Clerico, ut absens in studia literarum incumberet, quem absentem ad certum diem redire iussit, Clericus tamen iure iurando creditori suo promiserat non receperitum se, antequa ei debitum solueret: quo pacto eiusmodi Clerici ius iurandum interpretari debeamus? Nam si ad diem Episcopi iussu constitutum non redeat, sui Episcopi praecipuum violat: si vero Episcopo parens reuertatur, iurando, quo suo creditori iurauit, non seruat. Respondeo, si est alienum contraxit ob aliquod ad literarum studiū necessarium: eo ipso videtur feso creditori obligasse, tacito Episcopi consensu: nam vno concessu, cōcedūtur omnia, sine quibus illud effectum habere non potest. cap. Præterea, & cap. Prudentiam, de offic. deleg. & L. Ad rem mobilem, & L. Ad legatum, ff. De procuratoribus. Vnde Clericus de loco recedere iure non potest; proindeque ius iurandum seruare debet. Secus est, si absque permisso Episcopi, ad literarum studia se conferret, aut si absq; necessitate, vel causa legitima debitum contraheret: Idem iuris est, si pater filium absentem reuocet, qui iure iurando creditori promiserat non receperitum se intra certum tempus. Idem dicendum de famulo, procuratore, & de quolibet alio alterius potestatis subiecto. Angel. iuram. 5. n. 27. Sil. iur. 4. q. 16. ex Ioan. Andr. & Abate.

Quarto queritur, Qua ratione ius iurandum, quo alteri fidem damus, interpretari oportet, si is fidem nobis datam non seruat? De hac quæstione Sil. iuram. 4. q. 13. Respondeo cum Abate in c. Peruenit. 2. de iure iur. cuius sententia in hac parte est communis consensu recepta: Quandocumq; duo iurandi vincula, & obligationes ad se inuicem referuntur, si una desit, altera quoq; finitur, & cessat. Sit exemplū: Iurando promisi tibi equū, & idcirco tu mihi iure iurando promisi centū: si ego promissum non seruo, tu quoque ab obligatione liberaris. Et hoc modo intelligitur, id quod habetur in L. Si connenerit. ff. Pro facio & cap. Si infidelis. 28. q. 2. & L. Cum proponas. C. De pactis. L. Si iustitia. ff. De inofficio tuus. Idem iuris est quandcumque tibi aliiquid sub conditione promisi: vt si tibi me daturum centum promiserim, si Romā ieris, te non eunte nihil dare debeo. Quando vero duæ obligationes minime ad se inuicem referuntur, tunc etiā una defuerit, non idcirco altera extinguitur: Ut puta ego tibi promisi centū, & tu non hac de causa, sed simpliciter mihi promisi: quippe te facturū, etiā ego non dederim, debes tu id præstare, quod promisi, quia te mihi simpliciter obligasti. Ex quo perspicitur, quemadmodum interpretari possumus promissiones iure iurando stabilitas, quibꝫ duo homines alter alteri se solent inuicem obligare. Titius (exempli gratia) promittit Caio, & iure iurando confirmavit se in Religionē ingressurū, si Caius ingrediatur: & Caius itē iurando promittit Titio: se idē facturū, si ipse Titius id fecerit: Vidēdū est tūc, an duas huiusmodi promissiones, & obligationes ad se inuicem referantur, an nō. Si referantur, vno Religione suscipiente, debet alter quoq; idem efficere

Si minimè, etiam si vnu promissum non præstet, non ob id alter ab obligatione liberatur.

Quinto queritur, An ius iurandum vnu ad heredem eius, vel successore transmittatur? Respondeo ex communi omnium sententia, quod attinet ad iurantē, ius iurandum ad heredem, & eius successorem non transfire: nam ius iurandum est personæ vinculum, & obligatio, vnde ultra iurantem minimè extendit. Cives, aut Collegii Canonici iure iurando se, & successores aheri obligant, si ij, qui iurarunt, promissum non præstent in periurij crimen incurront, successores non item. Sic Ioan. Andr. cap. vlt. De septe. & Abb. in t. Veritatu, De iure iur. num. 2. & 3. Courart. in. Quæsus de pact. in 6. par. 1. S. 5. num. 4. & 5. Nihilominus tamē successor, vel heres potest aliunde obligationē cōtrahere, vt si pater iurando promittat se aliiquid alteri daturū, quod ante mortem præstare non potuit, si filius eius ius iurandi vinculo non tenetur, sed ratione rei à patre accepta ei obligatur, ita vt dare debeat. Similiter Cives iurant se diem certū tanquā festū veneravros, & seruatos, successores nullo sunt iurandi vinculo addicti, colere tamē debent illū diem, & vt festū seruare, si vsu, & cōfuetudine introductū sit, vt tanquā festus ille ab omnī habeat. Ex his sit, vt quamvis laicus ratione iurandi, quo se obstrinxit, cōueniri queat coram Iudice Ecclesiastico, vt definitur in c. vlt. de fuso cōpeten. in 6, non tamē eius heres, quia ius iurandum ad heredem non transfir. Item, iurauit non repetitum me à te certam rē, poterit eam à te meas hæres repetrere, quia non iurauit ipse, & potero eam repetrere ab herede tuo, quoniam ei ius iurandum non præstis.

Quod vero attinet ad successorem eius, cui est aliiquid iure iurando promissum, ius iurandum ad successores transfertur. Ex quo efficitur, vt quando quis fidem, & obedientiam præmittit alteri expresso nomine Dignitatis, in qua est constitutus, aut munieris, & officij, quo fungitur, eo ipso, ceteris in ea Dignitate, & munere & successibus promissis cœnatur. Secus vero est, si præmittat expresso tantummodo nomine proprio personæ: tunc enim denuo fidem, & obedientiam iure iurando præmittere successori debet.

Quæres, an vt ius iurandum, quod successoribus præstatur, illorum gratia adhibitum esse inter præmū, necesse sit, vt ius iurandum præfetur personæ in Dignitate cōstituta, & expresso eius successoribus: Relipōdeo, et Abbate in t. Veritatu, de iure iur. Goffr. Hostiensis, & Glossa senserunt non esse gratia successorum interpretatio, nisi expressim successores in iure iurando ponatur in hanc formulā. Iuro tib. N. & tuis successoribus. At verius est quod docuit Abbas, cuius opinio communis consensu est comprobata: si nomen Dignitatis exprimatur, sive successorum expressum mentio fiat, sive non, ius iurandum successoribus esse præstatum intelligitur.

Objicies, quod dicitur in capite Longinquitate, 12. quæstione 2. libertos Ecclesiæ Pontificis successori debere sue conditionis professionem facere. Ex quo etiam sit, vt successori feudi, vel emphiteotis directum dominiū habeti feudarius, & emphiteota ius iurandum præstare debeat, alioqui

alioqui periurus non habetur, si debitam pensionem non soluat. Respondeo, feudarium, & emphiteotam iusurandum repetere, & præstare successorib. in dominio feudi, vel emphiteosis, ut recognoscatur beneficium feudi, & emphiteosis, & nouum dominum; alioqui necessarium non est; nam eo ipso, quod iusurandum adhibitum est gratia veteris domini, præstitum quoque no

uo domino censetur.

Sexto queritur, An iusurandum interpretari possimus, ita ut sit cum detriméto, & incommodo alterius? Respondeo ex communi omnium sententia, minime, ut intelligitur ex cap. *Sicut nostris, de iure iurando*. Silueſt. iuram. 4. q. 14. qui citat toannoem Andr. Gossi. Hostien: Tancr. & Glosſam. Ut amur exemplis. Canonici iurarū, si quis eorum crearetur Episcopus, facturum se certum quid, quod cedit in detrimentum eius, quod pertinet ad Episcopi dignitatem: iurisurandi vinculo minime tenetur. Idem iuris est, si iurent Cardinales, eum qui ex ipsorum Collegio in Romanum Pontificem fuerit electus, facturum aliquid, quod Pontificiam dignitatem non decet. Idem dicendum, si alter coniux castitatem iurando promittat; exigere enim debitum non poterit, sed reddere tamen debet. Pari ratione, qui alieno est potestati subiectus, si aliquid iurando promittat, quod in eius, cui subest, damnum, & incommode cedat, vim iurisurandi non habet. Item, iurauit non patescendum arcam mihi commissum, iureurando non teneat, si id fuerit alteri noxiū; & proinde tutā conscientia patescere possum ijs, qui prodest queunt, non obesse. 2. 2. quest. 5. cap. *Hoc videtur*. Idem de similibus iudicadū, vt si iurauit me tibi auxilium durum, quod si dederō, mihi, vel alijs nocebo, nō teneat.

Septimō queritur, An cū quis iurat seruaturū se statuta certi Collegij, vel cōmunitatis, iusurandum ad futura quoq; statuta protendi cēseatur? Respondeo ex cōmuni sententia, quam habent Abbas, & ceteri in cap. *Clericus, de iure iurandi*, & Silu. iuram. 4. q. 13. si cum iurat, expressim iurat se seruaturū statuta condita, iusurandum ad futura minime trahendum est: si verò simpliciter iurat seruaturū se statuta, aiunt Ioan. Andreas, & alijs, iusurandum futura quoque complecti. Sed verius est, quod Antonius Butrius, & Abbas tradidérunt, nisi iurantis mens ad futura sele fundat, ac porrigit, iusurandum ea non contineat. Nam, vt ait Abbas, iusurandum ob metum, & periculum perijurij, & ob detrimentum, quod se qui potest, stricti est iuris, & interpretationis, ita vt non cōprehendat id, quod verba latē significant. Præterea, sic iurās, nihil de futuri cogitauit, quę si eius memoria, & cogitationi occurreret, verisimile est ipsum ea non iuraturū fuisse, cū futura sint nobis incerta, & dubia, & graves, molestos, ac difficiles soleant interdum exitus habere.

Octauo queritur, An cū quis iurat se statuta cōmunitatis seruaturum, ea seruare debeat, si in defuetudinē abierint? Respondeo, minime, nam iusurandum interpretari nos oportet de statutis, quādī furent in more posita; at verò in defuetudinē tunc abeunt, quando gut tota cōmu-

nitas, aut saltem maior pars ea non seruat. Si Roges, quid de ijs indicadū sit, qui in Collegium, Cūitatē, aut Communitatē admittuntur, & tamen iurant se statuta seruatuos? Respondeo, iusurandum esse interpretandum eo sensu nimis, iurare se seruatuos, prout sunt in more posita, hoc est, prout solent à toto Collegio, vel maiori parte seruari.

Nono queritur, Quid dicendum sit, quando titus debitor pecunia iuravit se Caio creditori eā ad certum diē soluturū; postea verò soluendo nō est, an fuerit in iurādo periurus? Respondeo, si cum iuravit, præuidit se soluendo nō fore, periurus admisit, quia promisit iurando, quod facturus non erat, si autem verosimiliter credit se ad præscriptum diem possi promissum exoluere, periurus non fuit: nec tamen modò promissum præstare debet, quia soluendo nō est. Silu. iurament. 4. quest. 24.

Dicimō queritur, Quid sit dicendum, quando iurando promisi me tibi daturum decem, & tu mihi alia decem debes, an debeam tibi decē soluere, an vero liceat mihi decem, quę tibi promisi, retinere ob alia decem, quę tu mihi debes? quod est querere, fasne sit in iureurando vti compensatione, siquidem compensatio est quędā per iuris fictionē debiti solutio; quoniam vt dicitur in L. 1. ff. De compensationibus, compensatio, est debiti, & crediti inter se contributio. Hanc questionem latē tractat Couart. in cap. *Quamvis pactum, de pactū in 6. p. 1. §. 4. num. 9.* Due sunt opiniones: Prima negat licere nobis in iureurando cōpensatione vti, eo quod iureurando obligatus id præstare debeat, ad quod faciendū se alteri iureurando devinxit. Sic Abbas in c. *Ad novitram, de iure iur. n. 3.* secutus Innocentium, Holtensem, & Ioannem Andréā: immo ait esse Canonici iuris interpretū sententiā. Secunda opinio affirmat, posse nos in iureurando vti cōpensatione. Ita Bartolus in L. *Amplius, ff. Rem ratam haberi*. Silueſt. iurament. 4. q. 27 Tabien. iurare. q. 2. 4. sic etiā Ital. Angel. Cuman. Ioan. Faber. Platea: & ipse Abbas sibi contrarius in cap. *Cum dilectus de ordine cognit. & in cap. Cum inter. de exceptio. Alex. consil. 12. lib. 2. & alij, quos refert Couar. loco prædicto*. Quę mihi sententia probabilior appetet. Nam iusurandum, quo tibi promisi me daturum decem, viderur intelligi tacita conditione, si tu mihi alia decē solueris, quę debes. Si tamen me tibi iureurando obligauerim expressim, & simpliciter ad decem tibi dandum, etiam te nihil mihi soluente, tunc in iureurando compensatio locum non habet: Et hoc modo intelligitur id, quod colligit prima opinio ex cap. *Ad novitram, 1. De iure iurando*.

Vndeциmō queritur, In quem sensum accipienda sine ea præcepta, quibus plaruntque Praetati multa solēt iuratis subditis imperare his verbis: (*Sub pena præstiti iuramenti*) quibus verbis significatur subditos periurij culpam contraicturos, nisi imperata exequantur? Hanc questionem proponit, & diluit Couar. in *Quamvis de pact. in 6. 6. p. 1. §. 7. n. 12. ad fin.* Respondeo, huiusmodi præcepta, sine mādra nō esse ita semper accipieāda, vt periurij culpa admittatur. Solent enim Academiarū, & Vniuersitatum Rectores sapere precipere, vt Scholastici certa Cōgregationi, Missiarum

sacrificio, lacra cōcōnō, publicz, & solēni supplicationi interfint sub poena p̄fici iuramēti. Non est (inquit) Maior. 3. d. 30. q. 4. ver. contra queritam conclus. & Couar. loco citato. Ioan. Driedonum sequuntur: verisimile, eorū mentem esse, ut Scholastici perurij sint rei, si mandata non fecerint. Credendum est potius eos hoc tātummodo voluisse, ut Scholastici iuslurandum, cuius vinculo sunt adstricti, ad memoriam reuocent, & ne illud contēnendo violēt. Ita ut solum iij lethali se criminē, & scelere obstringat, qui sc̄iter imperanti non parent, quid iussa despiciant, & negligant.

Duodecim⁹ queritur, An si duo, vel plures cōpromiserint, vt intra certū diem causa definatur, & iurauerint se obedituros sententię arbitrii delecti, ac deinde compromissi dies prorogetur eorum consensu, iuslurandum quoque intelligatur prorogatū, etiamsi expressim denūdō non iureno? Hanc questione disputat Couar. in cap. 2. us. de p̄f. p. 1. §. 1. n. 6. Duas sunt sententiæ: Prima censer, eo ipso iuslurādū prorogari: vnde si sententiæ non pāruerint, perurij censeruntur. Sic Cardinalis, & quidē alij, quos citat Couar. Secunda opinio docet non eo ipso, iuslurandum extēdi, nisi de integrō reputari. Ita Sozinus, Baldus, Decius, quos sequitur Couarruias: & hæc sententiæ mihi verior apparet, nam ea congruit maximē cum eo, quod definitum est in cap. clericus, De iure iurandi. vbi decernit Pontifex, Clericum, qui iuravit se statuta edita in Ecclesia sua seruatum, promittendo per idem iuslurandum statutū postea editum fideliter obseruaturum, licet p̄fici debuerat promissum, nō tamē vi p̄fici iuslurandi ad id suffisit obligatum. Et Abb. Antonius Butrius, & alij ibi annotarunt, iuslurandum ad noua, aut futura non protendit. Vnde si famulus cum Domino conuenit, & conuictiōnem primō iurauerit, & postea id domino exigente iuslurādū p̄mū ad alia extenderit, nō extendit, vt ait Abbas in cap. clericus de iure iurandi. Archidiacōnū secutus. Item, si quippe aliquis domino iurādo dixerit, & deinde aliud per iuslurādū antiquū mendaciter affirmaverit, mendax est, perjurus non itē, vt idem Abbas ait. Præterea si Notario, vel Iudici detur facultas, vt instrumentum, vel syngrapham, aut Chirographū extendat ad alia, non, eo ipso, iuslurādū ad alia protendit, licet instrumentum vna cum iure iurando ad alia trahatur, vt docent Antonius, & Abbas in cap. clericus de iure iurandi. nisi in his omnibus denūdō iurauerit, aut nīc ei expressim dicatur, Iurā per primū iuslurādū hoc est, per formulā in primo iure iurādō cōceptā: aut, Iurā per primū iuslurādū, sicut per sacrā rem, vt ait Abbas loco citato.

Decimotertio⁹ queritur, quid dicendum sit, quando Titius debitor iuravit solutū creditori Caio centū intra mensē, deinde Caius spontē tempus solutioni p̄fstitutum prorogauit. An Titius maneat semper Caio obligatus vi iuslurādū primo adhibiti, ita vt si ad tempus prorogatum, non soluat debitum Caio, perjurij criminē teneatur? Cardinalis sensit iuslurādū non extendit, ut Baldus, Felinus, Decius, Iason, quos referit, ac sequitur Couarruias in cap. quāmuis, de p̄f. in 6. par. 1. §. 1. num. 6. censerunt iuslurādū prorogari vna cum solutione debiti ad tempus di-

lata; quoniam licet tempus differatur, eadem tamē manet obligatio, ergo manet eadem vincula qualitate affecta. Nec pro Cardinale facit id, quod dictum est in c. clericis, quoniam ibi solum decernitur, iuslurādū antiquum ad alia non trahi: sed in hac causa iuslurādū in eadem materia, & obligatione, in qua erat initio interpolatum, perseverat.

Decimoquarto⁹ queritur, An interrogatus simpliciter debitor in indicio, debeatne actori centū, & verē debeat quinquaginta, non centū, iure posfit negare, centū debere, & an sit perillus si totam summam neget? Eadem quæstio est, si de fundo interrogetur, & neget esse lūū, cū tamē pars fundi sit ipsius, & pars sit actoris: Eadem istidem quæstio est, si rogatus possideat necne dum, neger possidere, eo quod non possideat solus, sed possidet eam vna cum alio, hoc est, eo quod habeat rem communem, non propriam? De hac quæstione Abbas in c. 1. de plus petitionibus, num. 15. Felin. cap. nam concupiscentiam, de confit. Couar. lib. 1. de var. refol. c. 2. n. 5. Duas opiniones inuenio, vna est Barthol. in 1. ita qui ducent. §. viii. ff. de reb. dub. vbi docet iure negare nō posse totū, quod petitur, sed partē cōsideri debere, & partem negare. Bartolū sequuntur Abbas, Felinus, Alex. Aretinus, Alciatus, & alij, quos citat Couar. quia qui negat totum, negat quālibet eius partem. Altera sententia docet tua conscientia posse negare totā summā, que peritur, etiā si parte debet quam sequitur Speculator, Decius, Crotius, & alij quos refert Couar. & hæc probabilius videtur: quemadmodum, si quis rogetur an comedet in templo, lūre potest negare comedisse, quāuis aliquid comederit: quod etiam docet Abbas: sic etiam si rogetur, an debet viginti, cum solum debet decem.

Cap. IX.

De iuslurādū relaxatione.

Primo⁹ queritur, quorū modis iuslurādū, quod aliqui est ratū, & firmum, vinculum tollitur? Res p̄. quatuor modis: Primo⁹ Superioris absolutione: Deinde cōmutatione, sive boni maioris, vel æqualis cōpensione: Tertiō remissione creditoris: Quartō relaxatione iudicis.

Secundo⁹ queritur, quæ admodū differant hæc, iuslurādū vinculum absoluere, Remittere, Rescindere, Commutare? Res p̄. de iuslurādū dicitur relaxari, aut absoluī, vel vt Canonici iuris interpres, & Theologi loqui solent dispensari, cum eius vinculum dissoluitur, & qui iuravit, eo eximitur, ac soluit auctoritate Ecclesiastici Magistratus, quem Superiorē p̄missim vocamus, nimirum Romani Pontificis, aut Episcopi, aut alterius Ecclesiastici Prefecti. Commutatur vero iuslurādū, cū eius vinculum ex vna materia, & resibi subiecta in aliam trāferuntur. Tunc autē remittitur, cū tollitur voluntate eius, cuīs gratia iuslurādū lese aliquis obstrinxit. Ut si iurādo promisi tibi me centū daturum, & tu deinde iuslurādū remittas. Rescindi vero, seu etiā Relaxari, hoc est, irritū, & inane reddi, vel vt ait verius, iuris interpres, & Theologi, irritari iuslurādū dicitur, cū eius vinculum soluit auctoritate eius in cuius potestate, & dominio est is, qui iuravit.